



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 17. Edictum Caroli V. Imperatoris adversus Lutherum.

[urn:nbn:de:hbz:466:1-66495](#)

§. XVII.

Sæcul. XV.
A.C. 1521.*Edictum Caroli V. Imperatoris ad-
versus Lutherum.*

Summa hujus editi hæc erat: *Ad ve-* Cochl. ann.
ri Romani Imperatoris officium pertinet 1521. in fin.
non modo fines sacri Imperii ad Ortho- att. & script.
doxam viam propagare, verum etiam, ne Luth.
qua hæreseos labes, aut suspicio sacrosan- Steid. l. 3.
& tam Religionem commaculat, summo studio p. 76. apud Gold. const.
providere, ac si quæ jam oriri cœperit, Imp. t. 2.
eam delere penitus, & extinguere: Cum ve- P. 143.
ro frater Lutherus erroribus, & hæresibus Pallavic. hist.
ab orthodoxa fide longe alienis, Religionem Conc. Trid. l. I. cap. 28.
Christianam, præsertim in natione Germani-
ca inficere conetur, a Sandissimo Patre
Leone X. summo Pontifice, ad quem fidem
Catholicam curare spectat, prædictus Mar-
tinus a principio clementer & paterne mo-
nebatur, ut a nefandis hujusmodi cœptis
desisteret, & jam sparsos errores revocaret.
Quod cum ille neglexisset, convocatis sæpius
S. R. E. Cardinalibus &c. prædicto tamen
Martino in contumacia persistente, ipsius
scripta ut perniciosa, & fidei, unitatique Ec-
clesiae contraria damnata fuere, Martinus
vero ipse, nisi infra certum terminum muta-
ta sententia se errores suos revocasse docuis-
set, ut hæreticum ab omnibus evitandum
ac puniendum summus Pontifex Apostolicis
literis declaravit. Quas, ad Nos per Hie-
rony-

Sæcul. XVI ronymum Aleandrum Sedis Apostolicæ Nuncius misit petens, atque requirens, ut pro officio ac debito Imperialis dignitatis in universo Romanorum imperio, deinde (quod Catholicum Regem & Christianum Principem decet) in ceteris quoque Regnis nostris, & præcipue in Germania omnia & singula in dictis literis contenta observari, & executioni mandari juberemus. Post quas tamen prædicto Martino factas monitiones, & ipsius tandem condemnationem tantum absuit, ut resipiceret, ut etiam detestabiliores perversi ingenii sui fructus indies ederet, ac complures acervatim libros non modo novarum, sed etiam a sacris Conciliis olim condemnatarum hæresum plenos, nec solum latino, verum etiam Alemanico sermone, a se compositos fere quotidie divulgaret: homo usque adeo novarum rerum, ac potius perditionis humanæ cupidus, ut nihil fere scripserit, vel suo nomine divulgaverit, cui non aliqua pestis, aliquis lethalis insit aculeus: Quas ob caussas Prædecessorum nostrorum, Romanorum Imperatorum vestigis insistentes, ac pias super exterminandis hæreticis constitutiones observantes, convocatis saepius ad præsentiam nostram præcipue Eleitoribus, necnon universis Romani Imperii Ordinibus, de eorum unanimi consilio, matura deliberatione, & consensu in hanc tandem devenimus sententiam, ut quamvis hominem a Sede Apostolica condemnatum, & in

in sua obstinata perversitate obduratum, & Secul. XVI
notorium hæreticum audire, omni jure ex A. C. 1521.
ceptum esset: nihilominus ad tollendam om-
mem cavillandi ansam complures audiendum
a nobis hominem, priusquam in eum ad exe-
cutionem Pontificii decreti ulterius procede-
remus, asseverabant, ideo Martinum sacerdi-
tum, missō ad ipsum dedita opera uno ex
Caduceatoribus nostris accersiri jussimus,
non ut nos de hoc negotio judicaremus, aut
cognosceremus (cum id dubio procul ad
Romanum Pontificem, & Sedem Apostoli-
cam pertineat) sed ut eum bonis moni-
tionibus ad reclam semitam (si fieri posset)
reduceremus.

Itaque Lutherum in nostra, & Princi-
pum Imperii præsentia constitutum interro-
gari jussimus de ejus libris, & doctrinis, an
illas revocare velit, qui tamen terminum sibi
ad respondendum petiit, quo elapso ne ver-
bum quidem in suis libris mutaturum aper-
tissime negavit. Quinimo Pontificum de-
creta, & sacrosancta Concilia sacerdus er-
rasse asseveravit His omnibus sic o-
mnino se habentibus, Nos juxta tenorem sal-
vi conductus Lutherum statim a conspectu
nostro missum fecimus, nunc vero ad oppor-
tuinas medellas huic pestilentissimo morbo
necessarias in hunc, qui sequitur, modum pro-
cedere decrevimus. Primum omnium, ad
honorem Dei, Romanique Pontificis, & S.
Sedis Apostolicæ reverentiam debitam, pro
Impe-

Sæcul. XVI. *Imperialis dignitatis officio necnon studio,
A.C. 1521.* quo Majorum nostrorum more ad defensionem Catholicæ fidei, sanctæque Ecclesiæ protectionem animam ipsam nostram exponere parati sumus, ex Imperiali & Regia auctoritate, necnon ex consilio, & assensu Eleborum, & omnium S. R. Imperii Principum, & statuum exequendo sententiam Sanctissimi D. N. Papæ, Martinum Lutherum ut membrum ab Ecclesia Dei abalienatum, ut obstinatum, schismaticum, & notorium hæreticum a nobis haberi declaramus, & ut talem a vobis omnibus, & singulis habendum decernimus, & edicimus. Mandantes sub criminе lœsæ Majestatis, ac etiam amissionis bonorum omnium, necnon proscriptionis, ac interdicti Imperialis pœnis, ne quis præfatum Lutherum recipere, defendere, sustentare, aut facere dicto facto vel scripto præsumat. Quinimo post elapsum viginti dierum terminum contra eum ubique deprehensus fuerit, juxta formam imperialis banni procedatis, ejus quoque complices, adhærentes, receptatores, & quomodolibet fautores, necnon eorum bona singula mobilia, & immobilia juxta sacras constitutiones, ac interdicti imperialis legem libere prosequamini, illosque & illa capiat, & in usus vestros optimo, & pleno jure convertatis. Mandamus insuper, ne quis Lutheri scripta emere, vendere, tenere, aut legere, præsumat, non obstante, quod in illis etiam aliqua

qua bona ad fallendas simplicium mentes im-Sæcul. XVI.
mixta essent. Ea propter omnibus Princi- A.C. 1521.
pibus & Magistratibus præcipimus, ut hu-
jusmodi pestiferos Martini libros publico
igni consumendos, penitusque abolendos cu-
rarent. Verum quia cavendum, ne Marti-
ni libri, aut ex illis excerpta suppresso aut
mutato auctoris nomine publicentur: quia
etiam quotidie videmus, & audimus cum a-
libi tum in Germania passim divulgari pi-
cturas & imagines non in opprobrium mo-
do privatarum personarum; sed & ipsius
summi Pontificis, & Sedis Apostolicæ con-
tumeliam excogitatas; idcirco omnibus &
singulis præcipimus, ne quis hujusmodi fa-
mosos libellos, scripturas, aut picturas, at-
que etiam inventivas scribere, imprimere, de-
pingere, vendere, aut tenere, aut imprimi fa-
cere audeat. Quinimo jubemur, ut ejusmo-
di libros &c. singulis diripient, & publico
igni comburant, ac eorum impressores, au-
tores, emptores, & venditores apprehendant,
& detineant. Atque ut omnis ejusmodi er-
rorum occasio tollatur, Imperiali ac Regia
auctoritate sub prædictis pœnis decernimus,
ne quis de cetero Chalcographus, vel libro-
rum Impressor, aut alias quivis libros ullos,
seu aliam scripturam, in quibus de sacris li-
teris, aut fide Catholica vel minimum tra-
etatur, non habito prius Ordinarii loci con-
sensu, cum auctoritate etiam Facultatis Theo-

logicas

Hist. Eccles. Tom. XXXIV.

C

Scal. XVI logicæ alicujus propinquæ *Universitatis im-*
A.C. 1521. *primere, vel imprimi præsumat.*

§. XVIII.

Censura errorum Lutheri per Fa-
cultatem Theologicam Pa-
risiensem.

Argentre
coll. Jud. de
nov. error.
p. 365.

Lutherus cum adhuc in arce, quam suam Pathmos vocabat, delitesceret, hujus edicti nuntium accepit, indeque novis furiis agitabatur. Nunquam autem vehementius tumultuabatur, quam ubi perceperat, a Parisiensi facultate Theologica nuperrime ejus libros, erroresque censuris perstrictos, ac plusquam centum propositiones ex ejus doctrina depromptas fuisse damnatas. Hanc illius severitatem eo iniquiore ferebat animo, quo confidentius sub primis sectæ suæ auspiciis eandem Facultatem velut Judicem ac arbitrum contentionis suæ cum Sede Apostolica elegisset, illiusque judicio non sine præclaris ejusdem elogiis sese subjecisset. Data est hæc censura die decima quinta Aprilis Anno Domini millesimo quingentesimo vigesimo primo apud S. Mathurinum in quadam Congregatione hanc in rem habita, demumque eadem sententia unanimi omnium Doctorum consensu conclusa ac definita fuit. Præ-

primis